



武林臨民錄

第三冊



武林臨民錄卷之二目次

信牌

飭行三催

限票自拘

飭輕刑罰

飭清案牘

飭查鄉賓

定期講書

申嚴保甲



飭除漕弊

申飭官方

飭行月課

飭修實政

飭查孤糧

嚴飭誣良

嚴禁加派

飭行修省

修舉禮樂

飭勉吏治

飭行停訟

禁革行戶

飭平斗秤

禁造假銀

嚴禁絳棍放印子錢

嚴禁強買

再飭分巡

飭禁重稅

共勸吏治

通飭勸捐賑濟

封印飭省官方

開印飭勉官方

飭查真正饑戶

申嚴經營錢糧經承

飭行落甲滾單

申嚴賑米之法

優恤貧士

嚴飭速結詞訟

整飭官常

申飭海寧縣新任官方

飭禁詞狀批行佐貳

申嚴餘杭縣收糧櫃書陋弊

飭發自拘票式

飭禁火耗

開印飭勉官方

飭除地方澆習

通飭聽斷

武林臨民錄卷之二

信牌

飭行三催

為飭行三催之法以速案牘事照得本府綱領九
 邑為錢穀刑名之總匯承上接下事務繁冗所貴
 事件神速隨到隨行庶幾案無留牘事無廢弛况
 欽部憲件例有一定之限解審讞獄人有守候
 之苦若不速為完結何以副

功令而甦民累乎今本府蒞任伊始日行案件俱用
 三催立法務期明切遵守可垂勿替合先通行知

照爲此仰闔屬該縣官吏查照來文事理嗣後凡
一應承奉案件頭行十日之後發行一催十日不
到卽發二催再十日不到卽發三催籤票着令經
承賚繳如仍事不完結犯不解齊卽發木皂鎖拿
正身經承解府無論事之完否必行責懲以爲疲
玩者戒倘以寬限空文郵筒遞繳及本官庇役不
解定將該縣以不職揭叅至於文到而詳議未妥
情罪未協仍行駁回者卽用前號接催其有屆限
而奉

憲批駁勢必轉行縣查者三日不到卽發籤牌不
再加催本府信賞必罰從來執法如山惟望賢有
司同舟共濟各加崑勉以期無負厥職是本府所
厚望焉各宜凜遵

康熙三十一年八月初四日

限票自拘

爲特設限票自拘之法以杜差擾以免守候事照
得本府身居郡牧爲九邑之綱領凡民皆我赤子
如有情事重大冤抑無伸及告縣審斷枉法不公
情極赴府控訴者本府民瘼念切不得不爲准理
庭訊之下罪當法無寬假情虛按律反坐不致棍
蠹骹法漏網亦不使奸民逞刁健訟但本府准理
詞訟行縣差拘起解不無拘管守候盤費滋擾今
本府設立自拘限票凡所准狀詞原被各給票一

紙限定日期郵發該縣原被赴縣具領照依定限
賚票自行赴府投繳不用縣差傳拘不用文批起
解投到之後立刻審訊當堂判決卽釋歸農不用
寄寓飯歇不用守候盤費如過定限不到及止到
一二名並不全到致難審理者卽差役提拿先治
抗拒之罪然後審斷曲直本府旣欲爲民伸枉亦
欲爲民甦累除給示曉諭外合行知照爲此仰闔
屬該縣官吏查照來文事理嗣後凡本府填給限
到自拘信票照依犯証都喆卽當堂給與原被具
領自賚赴府投到聽審不得差役滋擾致干查究
未便仍將發來告示一道照式大書遍發曉諭備
具遵依報查毋違

康熙三十一年八月初六日

飭輕刑罰

為飭輕刑罰以恤民命事照得

國家定有法律犯罪自有應當固不容賣法營私又豈容妄作威福今奉

各上憲祥刑慎獄重恤民命為民父母官者當教養備至不齊以刑而齊以德不任以猛而任以寬每于執法之中寓哀矜之意始不失為循良之吏向聞各衙門皂隸貪饕性成辣手可畏每遇聽審人犯先講班例次索杖錢稍不如慾杖則悶頭毒

打夾則檀木短棍使人不得不畏威貢獻是以民命作生涯矣又有捕役一項借巡私緝盜爲由私刑吊拷恣肆勒索囑令供扳飛墮良懦此等惡蠹真堪髮指試問衙役可以操縱則法紀安在官長所司何事乎今本府蒞任伊始民命爲重合就通行嚴飭除出示曉諭外爲此仰闔屬該縣官吏遵照來文事理嗣後凡遇承讞對簿之際務宜虛公詳慎加意平反入中求出死處求生慎毋濫准而苛罰毋批衙而滋擾毋濫差而需索毋縱蠹毒打

使小民脂膏塗地毋妄發監舖致百姓獄底青燐并嚴禁捕役不得借盜飛籠私刑吊拷如遇盜案該縣先審驗有無私刑傷痕勿得泛視故縱至于嚴寒酷暑陰雨霽溼監舖之中尤宜軫恤勿使庾斃若夫老幼廢疾法所不加研鞫之下應寬格外庶幾于公積德高大其門若夫身爲衙役當知公門可以修行與其賸民膏而爲衣食之奉何如積陰隲以爲兒孫計也况從來衙蠹犯贓未有不身家立敗者得失彰明報應不爽本府此番告誡之

後如有藐玩不遵官則揭叅奸皂惡捕立挈到府
盡法究處不少寬假各宜凜遵噉臍無及仍照式
大書告示遍行曉諭出具遵依送查毋違

康熙三十一年八月初八日

飭清案牘

爲飭清積滯以甦民困事照得縣令一官與民最
親兆姓呼之爲父母自當顧名思義曲加體恤以
保惠赤子此分內事也遇有冤抑赴訴于官當存
矜憐之心是非曲直立爲剖決早釋歸農或有情
理不平具控

上憲批發縣審益當虛公平允隨到隨訊揆情度
理速爲詳結不特早清案牘亦免廢時失業若淹
滯久積守候無期使原被干証必有飯歇盤費之

正木田長鏡 卷之二
累經承差役得生撞騙指詐之弊而且一人被訟
舉家懸切待案結歸寧而家人父子之心始慰爲
民上者可不體恤民情而顧一任叢闕漠不相關
耶合行通飭爲此仰闔屬該縣官吏查照來文事
理凡有自理詞訟俱發自拘限票着令按限投審
不得差役下鄉以滋擾累如人犯到齊當日審訊
卽發歸農若奉

上司批審案件隨到隨卽取供按律定擬速詳批
結不得久淹拖累以免小民守候之艱至聽審犯

証使之長跪伏地冬有冰雪之苦夏有暴日之烈
嗣後令其站立一傍俟喚及跪聽取供庶不致久
跪困苦倘任役作奸因循怠忽案牘塵封不清犯
証候審無期一經本府查出定將罷軟職名報叅
如係胥役朦蔽指勒立拿大法懲處不貸

康熙三十一年八月初八日

飭查鄉賓

為飭查真實鄉賓以昭鉅典事照得鄉飲賓介乃屬

朝廷榮老之典務宜品行端莊素為鄉黨推重齒德並茂堪作閭里楷模于以示儀型而昭矜式始不愧鄉賓之選倘舉富遺貧濫行開報是徒虛應故事不幾有負盛舉照今康熙叁拾壹年拾月初壹日例屆鄉飲之期合行據實確查為此仰闔屬該縣官吏查照來文事理即便轉行儒學會同確查

該屬境內如有齒德俱尊品行素著鄉評無間者
確查賓者事實取具里鄰甘結加具縣學印結備
文切看限玖月初旬詳府以憑覆核轉詳
院憲批示知照舉行如敢舉富遺貧確查不實及
臨期混詳并未奉批允知照預先舉行察出定提
經承重究

康熙三十一年八月初十日

定期講書

為定期講書以課藝業事照得

國家大典莫重人材賢俊書升必先考業惟在作養
于平時斯能振興乎異日况江浙為詩書奧區而
武林尤理學淵藪本府素切景行殊深嚮往幸茲
承乏可慰夙懷爰定講書日期會集俊髦多士發
聖賢之義理闡經書之奧旨非特設教課藝實以
啓迪愚蒙所關于風教士習非細故也除海富等
七縣飭行該縣學一體舉行外為此仰府仁錢三

學官吏查照來文事理自九月初二日爲始每月定期初二十六兩日該教官傳集飽學宿儒於明倫堂安設桌椅聽候本府親至會同多士講說經書務在實力舉行闡揚義奧不得虛應塞責亦不許縱放閑人喧嘩滋擾遵之毋忽

康熙三十一年八月二十八日

申嚴保甲

爲申嚴保甲并飭夜巡以杜奸宄以固地方事照得杭郡人居稠密烟戶萬家而所屬各縣襟山帶海水陸雜處其間奸良莫辨稽察務宜嚴密所賴印捕各官平日力行保甲晝夜巡查則防範有素庶幾匪類無所容身奸徒無托足之地矣况今時入寒冬尤宜加意防護除出示嚴飭外合亟通行申飭爲此仰闔屬該縣官吏查照來文事理立將保甲之法實力奉行以十家爲一甲立一甲長十

甲爲一保立一保長務選身家殷實忠厚力練者
克當使之挨查戶籍稽其藝業生理嚴察奸宄詰
其面生可疑至于庵堂寺院及飯店歇家一體稽
查毋許容留來歷不明之人及行藏詭秘之類其
夜巡更宜嚴謹無論城市鄉鎮街頭巷口置設柵
欄橋底堰滙安放橫木除年老廢疾不許派值滋
累外其餘不分貧富每夜輪流看守早啓晚閉該
縣印捕各官不時親加查察着令保甲日則互相
稽查夜則督令防護留心盤詰彼此應援庶幾同

鄉共井守望相助自然盜息民安地方寧謐切毋
有始鮮終虛應塞責仍不許縱蠹滋擾以致衛民
反以累民屏盜適以滋盜也該縣立具遵依同保
甲長花名冊并設立柵欄橫木處所冊一並送府
查核毋違

康熙三十一年九月十九日

飭除漕弊

為嚴飭收兌漕糧務遵

憲令以絕陋弊以肅漕政事照得漕項諸弊多端
歷奉

憲示條約飭禁在案今據屬縣陸續報收出兌誠

恐經胥倉役陽奉陰違每于收米之時巧立諸般

名色層層勒索又于每石額外加贈米數升或錢

三五十文不等及至出兌復串通運丁水手指稱

剝運花紅別敬等項名色科派糧戶不遂所慾故

嫌米色不堪刁蹬苛求至于行月二米向例隨漕
並徵乃給軍長途食用之項未據各縣完報除嚴
檄飭催徵給外聞向有經承收役違禁包攬勒價
折軋遂將漕糧篩出渣頭攪和克數已奉

各憲稔知此弊申禁誠恐仍有愍不畏死之徒藐
法作奸均未可定合行嚴飭爲此仰闔屬該縣官
吏查照來文事理凡收兌漕糧以及行月二米務
遵頒示恪守成規縣衛各秉至公軍民均當軫恤
敢有收胥倉役運丁陽奉陰違額外勒索串結累

民及將行月二米折軋攪和情弊一經告發訪聞
胥役立拏究解縣官列揭請叅運丁不法詳
憲究處決不姑徇凜之慎之

康熙三十一年十一月二十日

申飭官方

爲吏治貴在實心奉行務當實力地方民生庶有
實濟事照得秩位雖有崇卑責守均膺重寄吾輩
以七尺軀沐

國家厚恩受先人遺訓出而師帥一方名爲父母凡
地方利害所關不爲整頓釐剔一味瞻徇苟且尸
位素餐上而

國法難容下而衾影有愧何以赧顏居民上乎是以
本府蒞杭以來每計日以做官更計日以省職如

武林野史 卷之三 五
閭閻之休戚年歲之豐歉風俗之淳漓人情之厚薄無一非本府之責何敢苟安旁貸然本府爲九邑之綱領而縣令亦一邑之司命所賴協恭和衷交相黽勉思

朝廷之設官何事百姓之仰望何心不于此而潔已愛民猶萌不肖之念者撫衷其能安乎所以躬膺民社之寄淡薄自適便是作清官本等惟儉成廉又屬作好官良法利慾關頭果能看破則矢心精白無怨無求上惟知報

國下惟知惠民不特自保身名抑且光前裕後誰無知識而可不見及此耶本府諄切戒勉務在實行到底合亟飭行爲此仰闔屬該縣官吏查照來文事理俱各奮發精神力圖振刷凡于官方所係竭盡職守切毋勤始懈終苟安塞責至于民生休戚一體相關更宜加意撫摩力爲調劑至本府從前一切條教皆爲

國計民生起見務當實心勸戒實力奉行從來守身如執玉止謗在自修官有大小臧否在人果能清

廉愛民循良著績本府見聞甚確不靳薦揚如或
貪墨茸闕變節乖張則

功令森嚴豈肯徇庇孰得孰失辨之宜早毋致後悔
徒嗟莫及也

康熙三十一年十二月初十日

飭行月課

為月課事照得

國家大典莫重掄才士人造就必先淬礪以故埋頭
閉戶簡練揣摩功力既成出應大比卽一發而輒
中本府抵任以來親茲省會名區人文萃集業于
客歲小春之月卽舉觀風琳琅滿目已窺全豹之
班學問日新用遂振興之願况歲值賓興伊邇時
逢春日韶華墨香璀璨與花柳而爭妍筆陣雄飛
竝山川而鬪麗合行月課弘獎譽髦為此仰闔屬

正本臨民錄 卷之二
該學官吏查照來文事理即便出示傳諭諸生每月訂期初二日齊集明倫堂該學當堂出題認真考課務須詳慎閱卷秉公遴取拔其最優者十卷按月具文送府聽候評定發案以示鼓勵在諸生佳篇舊識當如萬選青錢妙藝新逢更若發礪利刃幸遇珠璣滿握敢云針芥相投該學爲士林師表尤宜實心考課毋得視爲具文瞻徇寒責倘有不能赴考者亦聽其便遵之毋忽

康熙三十二年二月十三日

飭修實政

爲共修實政以迓

天休事照得

朝廷設官分職原爲綏安黎庶保衛地方本府蒞杭半載雖冰兢自矢不敢一塵有染然於民生利弊毫無裨益自顧衾影常覺汗顏昨二十日城內失火見數百家房舍頃刻灰燼不禁悽然涕泣此雖天災之流行在地方官寧不返躬自疚本府寢食難安時存修省猶恐無補於民生該縣身膺民社

之寄休戚相關目擊民瘼諒有同懷豈忍膜視合
飭共修實政以迓

天休爲此仰仁錢二縣官吏查照來文事理亟宜返
躬自省克修厥職當思天道之災祥實關民生之
休戚時存敬畏體恤下情如徵糧則寓撫字於催
科勿鞭朴取盈如承讞則當詳慎而哀矜勿重刑
苛責毋任蠹婪索毋濫差滋擾刻刻存愛民之心
事事行保民之政庶幾可以挽

天和而保黎庶物阜民安地方寧靜本府于該縣實

有厚望焉仍轉飭屬員一體遵奉修省毋違

康熙三十二年二月二十一日

飭查孤糧

爲嚴飭實給孤貧口糧以廣

皇仁以杜冒濫事照得政先鰥寡軫恤須求實濟哀
此窮獨膏澤務在遍施我

皇上聖明在御仁政弘敷凡孤貧男婦人等給之以
柴布贍之以口糧使鰥寡孤獨老病無倚之輩均
沾惠澤得以延其殘喘乃近聞有等叫化頭串通
經胥將年力精壯之徒父子兄弟朋充頂替冒濫
烹分而真正無告孤貧反不得一沾實惠殊負

朝廷軫恤災獨之弘慈也合行飭查爲此仰闔屬該
縣官吏查照來文事理立將應給孤貧口糧柴布
銀錢查明真正孤獨老病殘廢無倚之輩遵照全
書逐名當堂唱給毋許年力精壯之人朋充冒濫
給發之時不許經承短少扣除亦不得擅令對支
以致多事務宐仰體

皇仁使孤獨無告者均沾實惠文到卽具遵依報查
康熙三十二年三月初十日

嚴飭誣良

爲嚴飭誣良拔贓之弊以肅法紀以甦民累事照
得盜賊最爲民害按擬追贓法不容寬縣令爲親
民之官休戚相關平日不能消弭於未然以爲靖
盜安民之計豈容聽其事後株連以重滋民累乎
乃聞有等捕役往往借失竊之囧妄拿無辜私刑
勒索及獲真賊又囑令供拔股懦聯蠹四出雞犬
不寧甚至搬其家資賣其兒女彼鄉愚畏盜之名
飲恨吞聲含冤莫訴又有定案之後復借端追贓

或指稱寄頓或假名買贓展轉株連勒令分賠捕役樂於有事串通烹詐縣官希圖結案惟命是從彼蚩蚩小民皮穿肉出以供其平空之詐害何以堪此合行嚴飭爲此仰闔屬該縣官吏查照來文事理務須力行保甲稽查匪類以靖盜源如獲賊到官必審明贓供確據按律招擬詳究所失之贓卽於賊犯名下照數嚴追給主倘有捕役誣良私刑串通婪詐及定案後波累無辜妄勒賠贓等弊該縣密察嚴拿詳究如狗庇故縱一經本府訪聞

或被告發大千未便凜遵毋忽

康熙三十二年三月十三日

嚴禁加派

為嚴禁加派陋例以遵

功令以肅官方事照得小民終歲胼胝顆粒盡屬脂膏在惟正之供自應照額輸將若於正項之外加增科派不特煌煌

功令禁例霜嚴且民力幾何堪此剝削今奉

上憲清風惠政剔弊釐奸凡一切賦役絲毫不許派累於民屢經頒示禁飭本府蒞杭半載有餘上遵

憲紀下念民瘼諄諄誠論不啻再三况辦解銀硃
熟鐵顏料蠟茶杭細等項皆係動支地丁採買其
餘一切使費陋例久經革除在各屬清操自勵者
諒各有心誠恐日久弊生庸吏劣蠹或陽奉陰違
一經發覺身命隨之可不畏歟合行飭禁爲此仰
闔屬該縣官吏查照來文事理務宜恪守官常凜
遵法紀凡徵收錢糧糧米不許加增私派一應辦
解銀珠熟鐵顏料蠟茶架木杭細等項槩不得派
擾民間以副愛養民生至意倘有私加暗派累民

情弊一有發覺官卽揭叅役拿處死務肅吏治以
澄清安斯民於衽席本府斷不苟且從事而有所
顧忌也慎之

康熙三十二年三月二十日

飭行修省

為勉圖修省恤民力以體

天心事照得今歲自入夏以來雨澤愆期為民瘼

國賦所關正地方官食不下咽之時幸賴

朝廷洪福

上憲精誠感格

穹蒼於六月二十五日以後連降甘霖使已萎之禾
復秀未種之田補插遍野芄芄秋成可望此萬民
之福而實為地方官之幸也但種植在立秋之屆

正木階良錄 卷之二 二十五
時候已遲全靠民力加意培植尤須賴地方官體恤下情緩賦省刑不致滋擾使百姓無他顧之憂得以盡力於南畝庶幾倉箱有慶上以輸惟正之供下以資入口之膳

彼蒼旣救垂斃於再蘓爲公祖父母者安可不仰體修省力圖培養軫恤之法於以答

天心而拯民困豈得以幸不成災而遂膜置之耶合行通飭爲此仰闔屬該縣官吏查照來文事理當思身在地方惟期時和年豐以與吾民共享盈寧

之福今者雨澤後期種植少緩亟宜勸民竭力耘耔及時灌溉以爲一歲收穫之計該縣務須時加修省留意軫恤緩徵息訟慎獄減刑切毋差役滋擾以重民累設法安全惟各賢有司是賴焉倘不恤民艱嚴刑苛刻濫准詞訟差役四出致妨農務本府不時察訪得實官卽揭叅役拿處決不姑貸其各凜之

康熙三十二年七月十五日

樂器三十一

樂器三十一
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十

修舉禮樂

為修舉禮樂以光祀典事恭照

先師孔子道冠百王教垂萬世凡在府州縣庠序春

秋報享罔敢隕越所以隆祀典重文教也然而祭

虔祀誠務在禮明樂備向以世遠年湮凡於俎豆

鐘鼓之具儀文度數之間殘缺失次未經修舉茲

者浙省奉

撫憲聘師訓習由是牽牲贊幣器有常數實有常

品執籥秉翟舞為應節歌不奪倫於以妥

正林野錄 卷之二
聖靈而重祀事所係非輕但省會郡庠如是而各縣
學之未備者尚多今秋祭在邇合行通飭爲此仰
闔屬該縣官吏查照來文事理卽便會同儒學遵
例倣照東魯

聖廟禮樂攷誌將一應致祭器具修整完備毋得缺
少苟簡延其通曉音節者教習樂舞其執事贊禮
生員選擇學行素優儀容端肅聲音高亮者職司
其事庶幾禮樂修舉如對

至聖之式臨而環堵聚觀共識中和之要道有關風
教誠非淺鮮其各遵守毋替仍不許借端科派擾
累致干未便

康熙三十二年七月十七日

飭勉吏治

爲涖杭已週一載自揣毫無裨益特再開誠誠勉以肅吏治以保民生事照得枝茂者必固其本流清者必潔其源是以欲厚風俗敦教化綏靖地方保護民生必自克頓吏治正己率屬而後風行草偃上行下效也本府自上年八月初一日奉調涖杭迄今已週一載矣回思一年之內革陋例絕苞苴不避嫌怨自甘荼苦朝乾夕惕一刻不敢苟安惟冀弊絕風清民康物阜庶幾無忝厥職云爾奈

以性迂才拙碌碌終朝使吏治未能同心而盡善
民生未能加惠而垂休清夜問心負疚良多每一
念及漏盡泣下然所賴以相與有成者惟藉各屬
守土之官同舟共濟今見一年之內勤慎奉公者
固有其人而因循曠職者未必無之夫身膺民社
之寄闔閭休戚相關苟萌不肖之念或叢闕悞公
或矯情傲物或委靡不振庇蠹而作奸或好作威
福假公以濟私不特道路有口輿論難掩竊恐鬼
神昭鑒屋漏誰欺本府忝爲九令之長常自計日

以省職今蒞任已及朞年自返課職心實難安不
得不與所屬各官再爲勸勉爲此仰闔屬該縣官
吏查照來文事理凡有地方之責者務須實心任
事力圖黽勉如果係潔已愛民循良有素當始終
勿懈益加砥礪如從前因循溺職有愧官方更當
改弦易轍以圖後效常存敬畏之心時切冰淵之
懼介節自矢承讞秉至公而詳慎禁絕科派徵糧
寓撫字於催科勿任蠹作奸勿濫刑苛刻毋使叢
脞致悞公務毋徇情面顛倒是非須知居官之臧

正林附錄 卷之二 三
否實關小民之休戚官府要錢當思小民用錢之
苦官府任刑當思小民受刑之疼聽一面之情當
思全家之負屈縱一時之性當思終身之怨嗟自
然人人盡職事事愛民將見年書大有戶樂雍熙
又無事本府之諄諄告誡矣勉旃勉旃

康熙三十二年七月二十九日

飭行停訟

為勸民息訟以安農業事照得八月例係開訟之
期第今歲自入夏以來亢暘不雨至六月終而始
得甘霖民間農務正殷方當加意培植勉力耘耔
凡有戶婚鬪毆細故俱宜彼此忍耐安分守已竭
力南畝以俟秋收本府仍於八月不收呈狀外合
行示諭為此示仰各縣軍民人等知悉各宜勤務
農業加意耘耔培植以望倉廩有慶至于一應戶
婚田土鬪毆細事當念共井同鄉彼此解紛和釋

如有萬不得已之事候本府於九月開期呈控不得輕聽訟師唆弄匍匐道途紛紛竇控致妨農業爭一日之強失終歲之望後悔無及各宜凜遵等因除出示外合行飭知爲此仰闔屬該縣官吏查照來文事理卽便遵照出示曉諭毋違

康熙三十二年七月二十九日

禁革行戶

爲禁革行戶陋弊以甦民困事照得小民開張行舖各務一業無非將本求利圖覓蠅頭以爲資生之策至於有司各官受

朝廷之爵祿身居百姓之上便當軫念民瘼愛恤物力飲冰茹蘖一塵不染是爲官之本等况當官值月久奉嚴禁乃有不肖坊頭胥役逞逞借官府之名承值衙門輪派月分凡需用緞布貨物以及日用薪米無不取之行戶明雖給價賒欠經年售不

過半至於修理衙門置辦家伙木料磚灰悉取諸民人夫匠作盡皆白役卽遇宴會無不件件借辦于民甚至值民間喜慶之際搬取桌櫈借用碗盞或以粗破抵換或有藏匿不還以致行舖小民飲恨吞聲祇畏現任之威莫可告訴若不亟行嚴禁何以永絕弊端除給示外合行通飭爲此仰闔屬該縣官吏查照來文事理卽將行戶當官值月名色盡行革除需用物料給價平買應用夫匠現銀僱募如有不肖坊頭胥役指稱各衙門當官名色白取借辦賒欠短少擾累行戶者或經訪聞或被告發役拿重究官卽揭叅各宜凜遵慎毋輕試

康熙三十二年九月二十日

飭平斗秤

爲公平斗秤事照得貿易公平乃淳厚之古道權衡制度有一定之規模惟緣民間交易貨物多寡輕重難憑所以置用斗秤又恐人心不平巧僞欺詐乃復當官較準畫一頒行使人人恪遵存良心而行公道自然市價不二童叟無欺矣奈人之賦性不齊淳澆不一有私置大斗小秤輕出重入止圖利已罔顧小民汗血肩挑所賺幾何思以養家活口者遭其刻剝喪心害理莫過於此至秤之重

者又於杭城爲最名曰大秤一斤重有二十四兩或二十兩不等使經紀貿易亦漸增其物價較秤之輕重定價之低昂徒存欺詐之心有何便宜之處乃使詩書名教之邦目爲澆漓囂薄之俗言之深可嗟嘆除給示飭禁外合行通飭爲此仰闔屬該縣官吏查照來文事理凡民間一應戥秤斗斛恪遵定制較準畫一通行嚴飭城鄉村鎮無論貧富不得設心欺詐私置輕重出入不平止知刻薄成家不顧窮民痛癢天理不容

國法難恕該縣身在地方與民最親務宜開導教化以期共挽淳厚之風所關甚鉅勿以爲細事而忽之也

康熙三十二年九月二十日

禁造假銀

爲禁造假銀事照得商民貿易時值估價非通行制錢卽使用紋銀原期彼此真實以共行直道也若以銅鐵水銀僞造金銀者律載杖一百徒三年爲從知情買使者各減一等煌煌

律例何等森嚴乃有一等喪心之輩串同奸匠慣造低假銀色則名曰鑽鉛灌錫梅白對冲鑿絲燒松煎餅三成鋼神仙隔夜黃種種不一愚惑鄉民哄騙客商一時失眠悞用入手轉瞬卽變爲銅鉄本

利盡歸於烏有彼遠商外客櫛風沐雨不知受多少驚恐艱辛一旦悞墮其術目眩心驚回鄉無策卽城鄉經紀小民日趨日活不過數兩數錢之本遭其欺騙一家失望身命莫保似此流毒害民真可痛恨除給示嚴禁外合行通飭爲此仰闔屬該縣官吏查照來文事理卽便嚴飭民間賣買交易除行使制錢外一槩悉用紋銀不許行使低假成色互相欺騙至於銀舖止許傾色銀爲紋銀不許傾紋銀爲色銀并傾造種種假銀暗行兌換流毒

商民如有奸匠愍不畏死仍前傾造及喪心之徒兌換行使者該縣不時嚴查着里甲隣佑及受害之人據實呈首以憑立拿按律究擬決不姑容以貽民害也

康熙三十二年九月二十日

嚴禁緯棍放印子錢

爲嚴禁重利放債害民事照得有無相通原屬周
急之義照律取息亦爲兩利之道人之貧富不等
稱貸勢所不免但三分起息年月雖多不過一本
一利律載分明借債者得以濟其急迫放債者亦
可收其餘利又孰得而禁之惟是省城有一等爲
富不仁被無賴緯棍所騙借放印子錢每錢千文
止九百到手按日抽取對月打還一千二百文或
借長利每月加一起息逾期不楚利上滾利票外

轉票未及經年累成百十或已經照數償還收作
疊利留票不發子去而母仍在登門打罵凌逼無
休畏威泣忍苦累萬狀此雖愚民悞墮其術實由
惡棍盤剝所致本府身在地方若不亟行禁止何
以登斯民於衽席除給示外合行通飭爲此仰闔
屬該縣官吏查照來文事理凡有絳棍重利放債
累算剝民者該縣嚴行禁止至窮民或有不得已
之事借放私債止許三分起息年月雖多不過一
本一利如有怙終不悛仍前廣放私債不遵律例

重利盤剝苦累民生者卽行查拿究解詳請治罪
在百姓切勿因一時之急罔顧日後身家自墮坑
穿後悔何追該縣卽遍行曉諭各宜凜遵毋忽

康熙三十二年九月二十日

嚴禁強買

爲禁飭強買以懲不法事照得杭郡省會之區商賈絡繹與夫開張肩販皆藉此貿易經營以資餬口所賴買賣公平民安樂業乃有一等游手之徒倚勢恃強不知物力之艱難不問價值之貴賤或半價強買或低錢勒取少拂其意傾潑滿地稍爲理論踢打隨身使小民順之則有虧折資本之憂逆之則有身命莫保之慮飲泣吞聲無門控訴此種惡棍實爲民害除本府已經給牌耑員巡拿外

正林附錄
卷之二
合行通飭爲此仰闔屬該縣官吏查照來文事理
凡有前項棍徒三五成羣倚勢橫行強買貨物行
兇毆打擾害商民者該縣嚴飭巡捕員役協同保
甲人等擒拿究解以靖地方慎勿瞻徇姑縱使棍
徒漏網市肆不寧民難貼席也其各凜遵毋忽

康熙三十二年九月二十日

再飭分巡

爲再飭夜巡之法以靖地方事照得時屆寒冬稽
察務宜嚴密已經飭行各官分派地方晝夜巡查
在案惟是鼠竊匪類常在四五更夜靜人困之時
而鄉鎮村落每多藏奸之藪今各官固應巡於初
更迨半夜之後而竟無人巡查雖然巡於城內至
城外鄉村而竟足跡未到在各官雖辛勤有素然
精力無幾恐亦不能徹夜周及今亦當酌量分巡
以靖地方合行飭知爲此票仰本官遵照來文事

正木附長錄 卷之二
理嗣後無論城鄉通行巡查其城內或巡於初更
或巡於三四鼓不拘時刻其城外或五七日一巡
或三四日一巡不拘日期總期匪類潛踪民得安
枕庶足見各員受一命之榮而盡心厥職也至於
延醫接穩喪葬嫁娶不得借端概行阻撓各宜凜
遵毋忽

康熙三十二年十一月二十二日

飭禁重稅

為飭禁稅契勒索之弊以裕

國課以甦民累事照得士民置買田地房產自應按
律赴縣用印輸稅然絲毫上關

國帑下係民脂既不便使之漏稅悞課又豈容額外
重徵以滋民害乎乃聞各處逞逞以無額之款並
不儘收儘解常視稅契為利藪私置重戥加耗以
至家人經胥俱有加一常例其填給契尾一張又
另勒銀二三錢不等稍不如意則指契不發小民

惟恐遺失無奈含忍餽送更有將前官已稅之契復行弔驗勒令重稅甚有民間自置房屋或更翻改造復勒再稅或將查出未稅之契四出差拘倍罰加納凡此皆奸惡里書串同戶役指報飛捉操縱自由吹毛求疵魚肉殷懦及至起解司庫不及十之二三其餘盡飽官役之橐雖屢奉

憲示嚴禁在案誠恐日久法弛該屬各縣有胥役愍不畏死借端誅求苦累民生合行飭禁爲此仰闔屬該縣官吏查照來文事理凡士民田地房產

上稅印契照契內價銀按例收納正稅隨稅隨卽給發不許重戕加耗不許經承家人指留勒索使費常例其久經稅過之契卽有更翻改造不許借端弔驗違例勒令重稅卽有失稅查出止令照舊輸納不許差役拘拿倍罰加納凡所收稅銀儘收儘解不得隱漏滋弊如有里書蠹役通同作奸額外誅求擾害小民如前項所指諸弊或經訪聞告發卽行嚴拿究處不貸

康熙三十二年十一月二十二日

共勸吏治

爲素性迂拙良心難昧幸祈鑒諒共勸吏治事竊
照本府性迂才拙謬膺劇郡上承

各憲之廉明下繫萬姓之仰望人各具有良心若
不知省疚徒事苟簡塞責依樣葫蘆豈特致悞公
務貽害蒼生竊恐捫心自問衮影自覺難安是以
冰淵自懼時切惴惴於錢穀刑名則惟恐詳冊未
洽有悞

國賦招冊未符致干出入不得不詳慎指駁以期課

無掛漏獄鮮冤滯於吏治民生則惟恐廉隅不飭
有碍官方積弊未除民不安枕不得不嚴行示飭
以期吏臻循良俗還淳朴朝夕凜兢惟慮無以副
朝廷設官分職之意有負百姓瞻依引領之望清夜
自省常若不及一片苦心止求補過耿耿鄙衷衆
所共悉想各賢有司之有良心者必爲鑒諒而不
我罪也擬合通飭爲此仰闔屬該縣官吏查照來
文事理幸鑒鄙懷共圖黽勉益加砥礪務使徵輸
有法刑獄無冤必期蠹害不作陋弊全除官廩循

卓之選民享盈寧之福本府同舟共濟所藉以相
與有成實非淺鮮矣勉之諒之

康熙三十二年十一月二十四日

通飭勸捐賑濟

爲廣勸捐賑以濟窮黎事照得今歲雨暘失調雖幸不成災而收成歉薄內有一種窮民除抵課還租之外際此隆冬歲暮尚艱于支持若至來春青黃不接口食何資饑寒堪憫本府叨爲郡牧九邑皆屬赤子蒿目民瘼難安寤寐自慚德薄力綿軫恤情殷點金乏術所賴紳衿士庶同居鄉井或好善樂施或尚義周急交相勸勉量力捐輸不過減饒餘百十分之一二便可濟窮民數百口之饑寒

所捐有限積德無窮除仁錢二縣本府現在勸賑
外所有外邑合亟給示飭行爲此仰海富餘臨新
於昌七縣官吏查照來文事理卽將發來告示一
道照式多書遍行曉諭開誠勸勉務使踴躍樂輸
以期有濟仍查明真正饑戶造具細冊并同捐米
姓名數目具文詳府酌量賑濟該縣爲民父母軫
恤民生諒有同懷幸加意焉

康熙三十二年十二月十七日

封印飭省官方

爲歲事已闌各宜修省以圖報稱以奉職守事照
得光陰若駛歲月如流古人寸陰爲惜運甓自勵
良有以也况人生天地間受

國家厚恩出而居官乘輿張蓋前導後隨家享祿位
之養身臨萬民之上卽鞠躬盡瘁尚愧無以報稱
若素餐備員自問能無厚慝况官府一舉一動爲
小民身命所繫居官持躬有素處事以理殫精竭
慮朝乾夕惕尚未知閭閻赤子能受一二分之惠

正林閣員錄 卷之二
否倘痛癢不關是非莫辯惟恃官府之權恣其威
福不顧百姓之脂膏任其剝削不知小民之疾苦
則窮簷蔀屋之受害有不可問者矣然此不特曠
鰥貽譏有愧職守竊恐

王法難逃鬼神亦所鑒臨本府嘗清夜自思雖生平
秉性耿介今兩蒞郡守從不肯剝民以自奉若不
能教養備至使民安俗淳又何以報

朝廷而奉職守也是以每一念及不啻臨深履薄之
懼今時當歲暮荷

國厚恩叨居民上者又一載矣反躬自省身任民牧
卽民生所繫責任匪輕合行通飭共相勉勵爲此
仰闔屬該縣官吏查照來文乘此封印之暇惟願
各官撫躬自省一年之內某事行之而有利於民
某案斷之而有當於法受某人之囑而或原告啣
冤聽某人之情而或被犯負屈默坐吟思良心自
現歲月甚長宦途可畏當思嗣後如何益加龜勉
如何痛改前非如何而吏盡其職如何而民受其
福一片向上之心時加修省自然政資化理民得

實濟不負

朝廷爵祿之恩以慰蒼生依賴之切歲事已終本府
贈人以言幸爲留意焉

康熙三十二年十二月二十二日

開印飭勉官方

爲歲序伊始百度維新事照得陽和布令萬物生
輝吾輩受

國恩而居官者又更一歲矣嘗讀周官所載於月吉
始和布其令於象魏讀其法於黨正誠以時際履
端春陽正茂一歲之事於茲肇始不可不整頓精
神力加勉勵也况煌煌

令甲載在章程赫赫簡書歷有常憲在居官者固宜
時刻警惕慎終如始以期竭盡職守原不待易此

正林國良金 卷之二
歲華而又煩諄諄告誡但當此韶光瑞霽淑氣迎
祥觸目警心用相勗勉為此仰闔屬該縣官吏查
照來文事理值此開印之初為諸務煥新之候務
須廉潔自矢愛民如子寓撫字於催科湧除陋弊
秉堊公以審謙謝絕私情以實心而行實政以循
分而稱循良時時圖報

國恩念念常思赤子是之謂良有司也行見循卓著
聲超邁可待民生蒙福厥後必昌庶不虛度此光
陰矣勉之望之

康熙三十三年正月十七日

飭查真正饑戶

爲飭查真正饑戶以杜冒濫使沾實惠事照得賑
饑固屬善政而查報尤宜得法全在奉行者實心
任事使不致有冒濫隱漏之弊庶受賑者均沾實
惠矣去歲雨暘失調民生艱苦雖田土有肥磽之
不同閭閻有貧富之不等然工本倍多一年而費
數年之力乃秋成減少一載而僅得半載之收自
去冬迄今青黃不接其間能保無釜甑生塵饔餐
不繼者乎念茲赤子借貸無路啼號可憫爲民公

祖父母者何忍坐視而不救本府蒿目傷心不愧
沿門托鉢今遍勸廣募幸賴紳衿士庶各發惻隱
之心共勸樂輸之舉俾沾升斗稍免啼饑惟是查
報饑戶更須得法倘坊里胥役將真正赤貧之戶
遺漏不報而以親故知識稍可自給之人混捏影
射則是散米以賑饑而得米者未必盡皆饑民因
饑以散米而啼饑者未必盡沾米惠不特有負勸
募之苦心且彼紳衿士庶經營齒積亦非容易豈
得以有限之玉粒爲奸徒所冒濫乎除出示外合

行飭查爲此仰闔屬該縣官吏查照來文事理當
查一縣之內某鄉已獲秋成某鄉實無收穫一鄉
之內某家尚可支持某家實難度日務將真正老
幼孤寡極貧之人里甲鄉耆上冊報縣該縣查明
確實彙冊報府以憑查核果係饑戶是實酌量捐
募之多寡分別賑濟之數目近城附廓者親赴領
給鄉村寫遠者候檄就地散賑敢有經胥通同作
弊以富捏貧使無良得以冒濫以貧捏富令老幼
反致向隅假公濟私罔顧民命或臨賑查出定提

胥役并捏報之人一竝重責枷示仍追其米倍罰
代賑一鄉該縣爲民父母務宜實心任事倘聽其
隱冒作弊該縣亦于未便慎之速速

康熙三十三年正月二十七日

申嚴經營錢糧經承

爲錢糧關係甚鉅經營務期得人特再申嚴僉點
之法以專責成事照得徵收錢糧上關

國課下係民生催比解給之權雖在於官而登號填
單以司出入皆屬經承之責關係匪輕僉點豈可
不慎聞向來各縣經營地丁錢糧糧米以及漕務
雜項所有經櫃庫書每遇開徵之期百計鑽營或
央情面或求乞恩項項皆有分管件件俱繳公費
此輩旣費本謀幹安能保其奉公守法不致作弊

營私乎迨至債事之後累官害民追悔何及是以
歷奉

憲飭凡經營胥役務擇其身家殷實端廉並無重
役過犯者造具家產冊結申報方許承管嚴匪人
之濫充正所以慎錢糧之重務也今康熙三十三年
開徵伊始合再通行嚴飭爲此仰闔屬該縣官
吏查照來文事理卽將地丁糧米漕務正襍錢糧
應用經承櫃庫胥役務必遴點身家殷實端廉並
無重役過犯違碍等項造具家產數目同居兄弟

妻室姓氏清冊取具同役親隣保 確該縣加具印
結着令各經承資投赴府聽候當堂點驗充當慎
勿輕徇情面囑托致令匪人濫充查出干咎未便
慎之速速

康熙三十三年正月二十八日

飭行落甲滾單

爲申嚴徵收滾單之法上完

國課下甦民累事照得身膺民社之寄孰不知錢糧
爲第一要務然有日事追呼敲朴橫加差役催督
而究不能如限報竣者其故何歟蓋小民終歲胼
胝止此一腔膏血多一分之襍費卽少一分之正
供與其徒事徵比而反致觀望不前何如力行良
法而使之輸將恐後如禁革糧現頒設滾單奉
憲飭行已久而催徵之法亦莫有善於此者然有

行有不行或行之而輟作不常者總由此法利於官利於民而獨不利於胥役所以惡其害已而去之也如不用糧現則經承無以遂其暗加私派應卯年規之需索落甲滾催則經承無以逞其以欠作完以完捏欠之伎倆此固大不便於胥役第不知落甲滾單則欠多者知有聽比飛提之畏限完免比則樂輸者又免守候應比之煩無差役之催督便省多少費用無敲朴之加身便免多少苦楚如此則百姓未有不踴躍而爭先赴納者矣官無

催比之煩而

國課早完民無差迫之擾而安居樂業較之專責現年獨受其累使花戶恃頑痛癢不關徒徇胥吏之愆而於催科無補者孰得孰失不啻瞭如指掌前本府任紹時已設有落甲之法五條頒發各縣行之而俱獲歲內全完得邀紀敘今杭郡當省會之區在

各憲廉明之下際今康熙二十三年分開徵伊始合亟條列飭行爲此仰闔屬該縣官吏查照來文

并後開列事理嗣後務宜恪遵落甲滾單自運條款曉諭里民實力奉行庶幾官無逋欠之虞民鮮追呼之累官民兩便在此一舉本府從

國計民生起見務期認真到底如各縣行之有效俾得錢糧早完不特著循良之譽且必邀紀敘之典倘視同具文故套或陽奉陰違一經查出官卽揭報役拿重處決不姑貸卽具遵依送查毋忽

計開條款于後

一落甲先清糧額錢糧按畝科算絲毫不容多寡

該縣於開徵之始先着冊書攢造一里一冊里有里總甲有甲總後將各甲花戶的名核算田地山蕩丁口每戶應共徵銀米若干除完漕項外今四月完半先應完銀若干再將一戶分爲三限如一戶應完錢糧三兩每限應完一兩開註本戶名下餘戶做此備造清簿二本名爲落甲自運簿送縣印鈐一付里長一存內衙務須總撤相符與實徵脗合以杜脫漏隱匿之弊再俟七月起徵十分花戶收除已定亦照此另造

一二簿送縣滾催

一落甲必設滾單一甲之內必有錢糧額多大戶挨次輪圈先多後寡每比于各里之內擇其糧額最多者硃圈一二戶十甲硃圈一二十戶每名給發一單名為滾催必行單開某戶的名下開明每限應完銀若干限某日完納銷單其單着里長分撥花戶臨比之日花戶賚單并所完糧票付里長填註硃圈名下某月某日已完某字號銀若干票單連簿送縣該縣卽註明存衙

簿內并對官串字號銀數銷單免比省民入數守候之苦亦司牧分所宜然倘經承有借題勒索察出重究

一落甲拘欠先行木皂該縣於里長繳票印簿之日查對各戶完欠除已完銷單免比外倘有硃圈之戶糧不完單不繳先發木皂着里長傳催定限三日內照單補完仍免究處倘再藐抗不遵是真正頑戶也立卽差拘重責枷示不准仍照分數罰其儘數全完始行釋放所謂懲一儆

正林野民錄 卷之二
百以絕效尤所差之役不得需索賣法仍不許
留用圖差名色以滋民害

一落甲比期不宜急迫該縣設簿設單自必里長
冊書分頭給發完則免比欠則發皂又必賚皂
傳催臨比之日又當掣花戶已完之票填註印
簿種種頭緒紛紜若立限緊迫倘係城鄉寫遠
里民遂多奔走拮据之苦今本府定爲十日輪
流一比十日之內花戶可以展舒措辦里冊可
以舒徐催比卽該縣亦便於清查察核但不許

借名補比仍滋弊竇

一落甲細戶酌量總比夫起徵完半之時糧多者
固當分限滾催而甲內不無零星細戶或分數
或一二三錢不等者若槩行分限殊爲壅滯煩
瑣該縣卽于落甲簿內查有糧額不及三錢以
上者不必分限滾催酌量絲麥告熟之時秋穀
登場之日令其照數全完卽行免比庶使窮民
無跋涉之苦而徵收亦無壅壓之虞但不許以
大戶瓜分零星致滋延抗該縣務宜留心稽察

以杜影射

以上各款俱切徵糧要法該縣自當按款遵行勿使經承弊延冰擱本府言出如山從來告諭竝不虛應故事該屬經胥慎勿嗜利忘身自貽剖腹藏珠之戚也凜之勿違

康熙三十三年二月十三日

簿式

某都某圖總

某則田若干

每畝徵銀若干

某則地若干

每畝徵銀若干

某則山若干

每畝徵銀若干

某則蕩若干

每畝徵銀若干

人丁 市丁 若干

每丁徵銀若干

以上共徵銀若干

某甲總

某則田若干

每畝徵銀若干

某則地若干

每畝徵銀若干

某則山若干

每畝徵銀若干

某則蕩若干 每畝徵銀若干

人丁市丁若干 每丁徵銀若干

以上共徵銀若干

一戶某人

某則田若干 該徵銀若干

某則地若干 該徵銀若干

某則山若干 該徵銀若干

某則蕩若干 該徵銀若干

人丁市丁若干 該徵銀若干

以上共徵銀若干

初限應完銀若干

某月某日完某字號 銀若干
米做此

二限應完銀若干

某月某日完某字號 銀若干
米做此

各限做此該縣遵照四月完半九月全完之限分

派硃圈摘滾此簿應存內衙勿得假手經承照此

簿一本交發里長如科則內無米者刪去

單式

奉憲落甲滾單

杭州府某縣為申嚴徵收滾單之法上完國課下甦民累事蒙 本府票文遵奉

憲行落甲合行發單為此仰 都 苗里長賚單交發後開 甲 戶應完 限銀米照數輸納將字號完數填列單內一同送縣以憑當堂查比如敢匿單不繳即差木皂督催再限三日內完足免究銷單如敢過期不完必枷雖完必責須至單者

令開

康熙三十三年分

一甲二戶

應額徵銀若干除完過漕項若干外應完銀若干

初限滾催應完銀

月 日 完 字 號 銀

二限滾催應完銀

月 日 完 字 號 銀

三限滾催應完銀

月 日 完 字 號 銀

右單仰里長分發

康熙三十三年 月

日 給

字

號

日 繳

申嚴賑米之法

為申嚴賑米之法以期實濟饑黎事照得時屆季春青黃不接窮民待賑刻不容緩業經檄行該縣查造饑民清冊及時賑濟外但賑米之舉原念真正窮民日給不敷啼饑堪憫藉此接濟稍免嗷嗷若使可以自給之人影射混冒是奪饑黎之口食以飽貪壑不特糜費捐賑之惠實亦大負勸捐之心也第恐該地里總開報滋弊以致臨賑之時遺漏冒濫除經檄令該縣傳諭該地里總伺候臨賑

驗奪外今當開賑合亟飭行爲此仰闔屬該縣官
吏查照來文事理凡冊報饑民親臨該地按名賑
濟準斗給發務使窮黎均沾實惠不得任役尅減
作弊以副痲民瘼之至意倘有奸徒冒領而真
正饑民竟有遺漏不報者臨賑查出卽拿該地里
總重懲枷示總之賑濟原爲窮民起見隱冒均非
軫恤本懷拯饑黎而剔弊竇實心任事于該縣有
厚望焉慎之速速

康熙三十三年三月十五日

優恤貧士

爲優恤孤寒以培儒修事照得士子志在詩書埋
頭雪案惟知努力芸牕以圖上進君子謀道不謀
食也然而時際歲歉單寒之士覓館無地稱貸無
門當此之時青黃未接嗷嗷入口坐而食貧膏火
無資饔飧不繼篋瓢屢空懸鶉百結啼饑號寒室
人交謫念及于此予甚憫焉前經本府出示飭行
各學查明會縣具列生員方金如等六百一十四
名姓名文冊前來合行飭知爲此仰仁錢二縣官

吏查照來文事理卽將冊報現考以及給頂年老
孤苦貧困不支生員會同各學教官前詣貢院照
冊按名每生給米一石以廣培植慎毋徇冒濫
有負本府優恤斯文之至意仍將給過米石名數
造具清冊報府查核施行

康熙三十三年三月二十五日

嚴飭速結詞訟

爲嚴飭速結詞訟剔蠹弊以安民生事照得身爲
民牧無在不當體恤民情况承審案件原欲爲民
理屈伸冤卽不能道德齊禮使民無訟又豈容淹
滯叢脞任蠹作奸所以遇有准理詞訟或奉上批
發原被到案曲直立剖庶不致拖累無辜亦可杜
積奸叢弊乃聞往往有兩造已齊任役管押恣其
婪詐連旬累月不卽審訊以致小民守候無期干
証親屬坐食盤費而無力之窮民甚有求乞候審

者及至審供之後置之高閣又不卽發詳讞而作
奸胥役遂得指詐招搖設局撞歲蠹屢無底之壑
官受不白之名玷官方而剝民膏莫有甚于此矣
更可訝者未審之前濫差四出籤號疊拘既審之
後判斷不明是非不決遂至差押處息混覆註銷
是官准呈而役銷案操縱皆出若輩之手真正公
道不彰枉屈無伸本府職司剔蠹安民告誡不遺
餘力倘有此塵封案牘貽害小民聽蠹作奸委靡
叢闌本府迂拙性成決難寬假合行嚴飭爲此仰

闔屬該縣官吏查照來文事理凡有承審案件不
得濫行差役及籤差號差層層擾民人犯到官隨
到隨審不得稽遲時日拖累無辜審訊之後卽發
讞語應詳者作速具詳應結者作速完結不得游
移兩可因循冰擱使積奸胥役從中招搖撞歲至
于是非曲直自有一定發落歸結其權在官尤不
許差役押處捏覆混銷如有所犯前項所指諸弊
訪聞告發官以溺職揭叅胥役立拿處死斷不姑
容以貽民害凜之慎之

康熙三十三年五月二十八日

整飭官常

爲整飭官常砥礪名節以報

蒙
國恩以恤民生事照得本府守紹三年幸免隕越荷

皇上簡拔之恩調守省會兩載以來夙夜兢兢勉供
職守祁寒暑雨憂心勞形以致染疾發背九疔一
生危亦甚矣當是時也本府拊衷自思設或不起
則飲冰茹蘖一塵不染一片爲民之苦心杭紹之
民必俱能悉而憫之而各屬官吏亦無事再爲諄

諄可以了此一生公案矣今乃痊愈如初實同更生則所以報
國恤民任重道遠正未易艾而所屬有司共泄茲土情同一體不容不益加勉勵若不潔已愛民陽奉陰違上負

朝廷下負蒼赤則本府有何面目自安民上該縣亦烏在稱爲民父母耶是以各屬之中如有簠簋不飭暮夜自欺濫用非刑草菅民命瞻徇情面顛倒是非聽蠹作奸濫差四出矯持偏見任意乖張叢

脞苟安委靡不振凡此溺職殃民之事均爲功令之所不容煌煌

國法赫赫

憲紀一有所犯本府豈能爲之寬假乎合行嚴飭爲此仰闔屬該縣官吏查照來文事理自茲以後時時凜惕顧惜名節毋玷官箴上荷

朝廷寵命之榮則報効不可不力下念赤子仰望之切則體恤不可不周居斯官盡斯職庶不致汗顏民上素餐貽譏今日身享爵祿之榮異日子孫亦

可邀福報倘自甘不肖罔顧民生有玷官方錢有
用盡之日身有必死之時且本府拙性不移斷無
瞻顧毋致追悔徒嗟莫及也諸賢有司凜之毋忽
康熙三十三年六月初一日

申飭海寧縣新任官方

爲居官首重清廉爲政務矢公慎特行申飭以肅
吏治事照得海寧爲杭郡巨邑財賦重地戶口殷
繁官斯土者務宜潔已奉公愛養兼至庶幾民受
其福今該縣蒞任方新爲萬姓之父母則當顧名
思義有地方之責任便宜剔弊釐奸况逢
各憲廉明森嚴法紀尤須清操自守苞苴屏絕毋
得曲徇勢要顛倒是非受囑蔑法混淆曲直誠恐
積年蠹役以該縣新任串通地棍包攬招搖朦蔽

作奸致干

功令合行申飭爲此仰海寧縣官吏查照來文事理
該縣泄任伊始務宜痛絕情面勿瞻徇而以曲作
直勿受囑而以是爲非徵糧則革除耗贈聽訟則
詳慎秉公速結呈詞勿致妨農失業毋濫差役致
令勒索滋擾潔已愛民省刑息訟俾黎庶得衽席
之安地方獲盈寧之慶本府以此覘該縣之新剛
初試也倘有積年蠹棍愍不畏死招搖包攬滋弊
作奸一經訪聞立拿從重究處決不姑貸總之本

府不聽情以律已斷無容屬吏受囑托而營私也
凜之慎之

康熙三十三年六月二十五日

飭禁詞狀批行佐貳

爲嚴飭呈狀濫批佐貳之禁以遵

功令以杜擾累事照得佐貳衙官不許擅受民詞蓋
以其微員末吏止知惟利是圖一詞到手卽刻僉
票差拘要見官司之勝負全在紙價之多寡書役
恣意勒索小民任其壟斷條准條銷害無底止是
以例禁首嚴若印官仍然批發衙官以爲遵奉堂
批愈肆鴟張是不如不禁佐貳之受詞也且該縣
職司民牧凡民有真正冤抑自應親行准理隨到

隨審隨審隨結釋放歸農至於角口微嫌田債細
事諭令鄉隣親族爲之解紛式好又可使民於無
訟何必批行佐貳以滋民累乎合行嚴飭爲此仰
闔屬該縣官吏查照來文事理凡民間呈狀除命
盜重案外其餘狀詞務須細加披閱毋得濫准如
果真有冤抑蠹棍詐害等事該縣自行准理虛衷
剖決詳慎秉公切毋顛倒是非混淆曲直速審速
結勿致拖累其衙官一槩不許批發如敢故違察
出未便凜之母忽

康熙二十三年六月二十五日

申嚴餘杭縣收糧櫃書陋弊

爲恪遵自封投櫃之法剔除積蠹代納之弊上完國賦下抒民力事照得民間完納條銀久奉

憲飭令納戶自封投櫃卽時給串歸農不許胥役經手秤兌所以杜輕重需索之端當晚串根同櫃繳衙所以稽完欠多寡之數原爲徵糧不易之良法乃聞該縣有等鄉懦花戶往往不親身赴櫃上納轉託積年棍蠹代納應比以致櫃役串通作弊惟納戶收執之票則照數填給至於串根流水比

簿以及入櫃之數大相懸殊其銀半歸櫃書棍蠹之橐更有哄騙鄉愚借稱代納收入私家不卽給串又有明言暫那急用抵納正糧延久不完在小民貪圖些微平水之便宜信心交托致蠹役得恣意侵運官府從何稽察及追欠嚴迫又復東那西掩移新補舊以致積欠不清徵比難完職此故也惟籍經徵之官立法於始防微於後知錢糧爲殿最之首務慎嚴經營之人毫釐皆小民之膏血剔除代納之弊不致衙役叢奸庶得徵解如期克副

循良之選矣今該縣洩任伊始合行飭知爲此仰餘杭縣官吏查照來文事理務宜恪遵章程凡民間輸納錢糧俱令花戶自封親身到櫃投納而同入櫃卽給與印票歸農不使積蠹包攬代納收入私家以及串通櫃書改易滋弊亦不許里民私交明借止圖短水輕平不顧逋課重累凡三連串票與流水比簿數目務須畫一該縣於臨比時務必取驗納戶執票與流水比簿查對少有參差收補卽時究出真情嚴加治罪至於承管錢糧經胥該

正林圖長錄 卷之二
縣吏宜嚴行遴點時加詳查務須身家殷實端廉
從無過犯者方可承管不使匪人濫充其值櫃收
糧着各房誠實吏書輪流登記或一月或半月一
換不致積久戀踞自然積弊可杜行見輪將恐後
依限報竣庶足徵良有司催科之得法也幸爲加
意勿同膜視

康熙三十三年六月十七日

飭發自拘票式

爲飭行自拘之法嚴杜沉擱之弊以免差擾以速
案牘事照得八月以後例應開訟該縣爲牧民之
官遇有詞狀不得不行准理但應聽民之便速爲
審結庶閭閻無差役之擾而原被亦免守候之累
矣本府三年守紹兩載治杭凡准行狀詞俱發限
票原被無不依限投到本府亦不論早晚卽爲審
理斷結省釋歸寧較之行縣差提經年累月玩不
起解者其遲速已相去天壤足見自拘之法便於

差提而百姓得免多少費用誰不爭先自到至于自理詞訟定例限二十日完結若憚煩偷閑稍爲遲滯則胥役乘機需索原被告守候盤費其弊有不可勝言者矣合行通飭爲此仰闔屬該縣官吏查照來文事理凡准理詞狀俱照本府發行限票式樣給原被告自行依限投繳如久違票限故抗不繳間一差提以做積玩如原被告一齊卽爲審理完結該縣不辭半日之勞百姓得免無窮之累慎毋差役滋擾及沉擱不結苦累民生大爲未便該縣卽出示曉諭遠近令告狀者遵照并先具遵依報覆毋違

康熙三十三年八月初一日

票式

自拘信票

杭州府正堂加五級李 為特發限票以杜差擾事照得
本府為九邑綱領凡民有冤抑及告縣審斷不公赴府呈控不得不為准理但恐
行縣差拘起解未免拘管滋擾合發信票限到候審為此仰告 等遵照即
便帶同干証定限 月 日齊票徑自赴
府投到聽候審斷如過定限不到及止到一二名並不全到者定即嚴提先治抗
拒之罪然後再審曲直各宜遵遵毋忽須至票者

計開
一件 事

原告	被告	干証	詞內	共
住縣都	住縣都	住縣都	住縣都	名
住縣都	住縣都	住縣都	住縣都	右票仰告
住縣都	住縣都	住縣都	住縣都	日給
住縣都	住縣都	住縣都	住縣都	限

府 康熙三 年 月

日給

限

等准此

日繳

飭禁火耗

為再嚴火耗之禁以遵 功今以恤民力事照得

小民竭力南畝終歲胼胝所藉西成以為仰事俯
畜之計在維正之供按畝輸將原為分內之事至
於額外加耗即屬私徵

功令煌煌嚴如斧鑕且絲毫顆粒皆屬小民膏血為
民父母吸膏血以適一已之奉不特

國法難容即良心何在本府蒞杭兩載其於加派火
耗之禁與各屬諄諄告誡已不啻三令五申矣蓋

火耗之輕重甚關官評之臧否若縣令一事之貪則受害止在一人至多收耗贈則受害在於通縣况革除火耗百姓得省一分之餘費便可多完一分之正供爭先輸納依限報竣飭廉隅以副考成與喪名節而忘身命孰得孰失奚啻天淵合再飭禁爲此仰闔屬該縣官吏查照來文事理凡一應錢糧俱按額徵收照依司頒法馬俱令自封投櫃依限完解不許借名火耗額外多收毫厘如有私加賄贈止顧衣食之奉不啻小民痛癢一經查出

官揭吏處自悔莫及矣各宜凜遵慎毋輕試

康熙三十三年九月初三日

開印勸勉官方

爲歲序更新慎終始特飭官方以全名節事照
得歲首春王百度肇舉身居百姓之上在地方一
日則有一日之事而年復一年其於民生利弊更
宜熟悉爲

國家辦得一分實事使百姓受得一分實惠庶無忝
於厥職而亦不虛度此光陰矣本府冰蘖苦守百
折不回涖杭已兩載餘六月計年華又不覺三易
日與各官交相勉勵惟期上副

各憲求治之盛懷下慰蒼生仰望之深切全名節
以保祿位本府愛屬之心無異於愛民也當此履
端之始合行通飭爲此仰闔屬該縣官吏查照來
文事理須知歲華聿新慎終惟始警流光之易度
奮將來之精神留心民隱銳意興除先教化而後
刑罰勤民業而勸農桑徵糧則痛革耗贍承讞則
平允得情勿贖貨濫刑勿瞻徇情面不執已見而
顛倒是非不任奸蠹而擅作威福時時體恤民情
刻刻留心政務俾吏治得行實濟閭閻得沾實惠

克盡職守在

各憲廉察之下必不靳循卓之選矣各宜勉旃

康熙三十四年正月十七日

飭除地方澆習

爲痛除地方澆習以厚風俗事照得欺詐之習不除則人心不古澆漓之氣不息則風俗不淳如肩販屠儉圖利雖屬本等但貨有定價扣本合利貨真價實平秤交易則彼此可以無欺若魚肉灌水潰漲雞鵝塞食不堪希圖增重筋兩多騙分文而食用之家遂不照十六兩平秤用十七八兩以外重秤人非至愚賣者旣飾物以相售買者復昧心而加重彼此明知互相欺詐有何利益徒壞良心

至于民間果有奇冤異枉自應據實呈告聽候審斷昭雪乃逞刁健訟之輩每遇睚眦微嫌輒將小事裝成大事虛情捏作真情羅列罪款沿街刷貼希圖掩飾耳目混淆曲直若審斷讞語已有定案刑單佈貼更屬多事又省會重地四民往來如織各憲不時經臨乃攔街跨巷曝晒小衣褻服不但輕慢官長致經營過往之人抬頭見之心嫌不利遂生唾罵試思澣濯小衣自當掛晒門內或僻靜無人之所若女衣曝人頭上必名不祥卽屬男衣

亦自罪過此等種種積習久經本府示禁在案奈無知愚頑不能盡改若不痛除將何底止除督令巡緝員役查拿外合亟飭行爲此仰仁錢二縣官吏查照來文事理卽出示遍行曉諭凡賣雞鵝魚肉等物務須公平交易牙行經紀不許灌水塞食買用之家不許用十六兩以外重秤其民間詞訟小事鄰里處和大事赴官告理不許列款刷揭佈貼冤單并不許刊貼讞語至曝晒小衣褻服應

在門內及無人往來處所不許仍懸街巷穢褻行

西村附錄 卷之二
人該縣卽移行巡緝員役遇有灌水塞食粘貼刷揭高晒小衣者立卽嚴拿送究如灌水塞食之物卽給賞年老之人本犯枷責并責總甲重秤之人一體究治如列單刷揭本犯嚴加治罪房主總甲不行毀抹一并懲處如曝晒小衣褻服者本家人及總甲一竝責究倘巡緝員役不行查拿經本府親行拿獲定將巡緝員役嚴究事關地方積習務在認真痛除勿等爲紙上空言也凜之速速

康熙三十四年正月二十八日

通飭聽斷

爲聽訟務期平允案牘切禁滯留以杜弊端以肅官箴事照得身爲地方牧民之官百姓遇有冤抑不得不爲准理卽上司披閱詞狀有關乎風化倫教戶婚田土以縣令與民最親勢必轉發查審是縣令一官既有錢穀之需司復爲刑名之總滙責任甚重賢否易判惟在承讞秉公執法平允不受囑托而混淆曲直不徇情面而顛倒是非卽或初審未得真情迨至批駁自當留心詳慎虛中決斷

使訟獄平而人心服自然神明之譽歸矣然真情雖得而案牘不爲速結則民之受累又爲不淺蓋一縣地方廣闊城鄉寫居星散一詞到官原被干証守候盤費之艱父母妻孥盼望懸念之切一日不結則受一日之累且事久弊生皆由於此或胥役之招搖或遊棍之撞騙貽玷官箴其害更有不可勝言者豈止使民廢時失業已耶所以本府蒞杭三載凡於准理詞狀發行自拘限票隨到隨審立刻發讞當時知照並不留之隔宿卽奉上司批

行案件據各縣詳解當日審理連夜繕詳次早發解非特免壅滯之虞亦俾棍蠹無所用其騙詐耳乃近見各屬之中於批審案件有最易繕之事沉擱日久不速詳結有情罪未協駁行覆審仍前膠執草率任意殊非祥刑慎獄之道况今時屆孟夏正百姓蠶農兩忙之候更未便遲滯以奪民時合行通飭爲此仰闔屬該縣官吏查照來文事理無論批行自理詞訟秉公確勘虛衷詳察隨到隨審統限三日內逐一清理應具詳者速行詳結應發

落者卽行發落切毋偏徇故執留難積滯徒滋棍
蠹之弊致貽叢脞之譏凡民有口輿論難瞞未有
瞻徇叢弊而能彰其公道者也徒自欺耳各宜慎
思凜遵勿同泛視

康熙三十四年三月二十一日

聖